

## **N A C R T**

Na osnovu člana 24. stav 1. tač. c) Ustava Tuzlanskog kantona («Službene novine Tuzlansko-podrinjskog kantona», broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana \_\_\_\_\_, d o n o s i:

## **Z A K O N**

### **o izmjenama i dopunama Zakona o elektroenergetskoj inspekciji**

#### **Član 1.**

U Zakonu o elektroenergetskoj inspekciji Tuzlanskog kantona („Službene novine Tuzlanskog kantona“, broj: 4/03), član 3 mijenja se i glasi :

„Poslove inspeksijskog nadzora iz člana 2. ovog Zakona vrši Kantonalna elektroenergetska inspekcija ( u daljem tekstu : Inspekcija), u zakonom utvrđenom postupku.“

Stav 2. istog člana briše se.

#### **Član 2.**

Član 5. mijenja se i glasi:

„Za inspektora može se postaviti lice koje pored uslova propisanih zakonom ima završen fakultet, odnosno VII stepen stručne spreme, elektroenergetskog smjera sa položenim stručnim ispitom iz oblasti elektrotehnike i radnim iskustvom od najmanje 3 godine na poslovima projektovanja, proizvodnje, izgradnje ili eksploatacije elektroenergetskih objekata i postrojenja nakog položenog stručnog ispita“.

#### **Član 3.**

U članu 7. stav 1. u četvrtom redu, u stavu 2. u četvrtom redu i u stavu 3. u trećem redu riječ: „Ministarstvo“ zamjenjuje se riječju: „inspekcija“ u odgovarajućem padežu.

#### **Član 4.**

U članu 9. stav 2. u šestom redu riječ: „Ministarstvo“ zamjenjuje se riječju: „inspekcija“ u odgovarajućem padežu.

#### **Član 5.**

U članu 11. stav 2. u trećem redu riječ: „Ministarstvo“ zamjenjuje se riječju: „inspekcija“ u odgovarajućem padežu.

### **Član 6.**

U članu 12. stav 1. u četvrtom redu riječ: „Ministarstvo“ zamjenjuje se riječju: „inspekcija“.

U stavu 2. u drugom redu riječ: „ministru“ zamjenjuje se riječju: „Ministarstvu“.

### **Član 7.**

U članu 14. stav 1. u drugom redu riječi: „privredni prestup“ zamjenjuju se riječju: „prekršaj“.

U stavu 1. alineja 1. istog člana u prvom redu i alineja 2. u drugom redu riječ: „Ministarstvo“ zamjenjuje se riječju: „inspekcija“ u odgovarajućem padežu.

U stavu 2. u prvom redu riječi: „privredni prestup“ zamjenjuju se riječju: „prekršaj“.

### **Član 8.**

U članu 15. stav 1. mijenja se i glasi:

„Novčanom kaznom od 500,00 KM do 5.000,00 KM kaznit će se privredno društvo ili drugo pravno lice za prekršaje.“

U istom članu stav 1. alineja 1. u trećem redu riječ: „Ministarstvo“ zamjenjuje se riječju: „inspekciji“.

U alineji 2. u prvom redu i alineji 6. u trećem redu riječ: „Ministarstvo“ zamjenjuje se riječju: „inspekcija“ u odgovarajućem padežu.

U istom članu iza stava 2. dodaje se novi stav (3), koji glasi:

„(3) Za prekršaj iz stava 1. ovog člana kaznit će se i samostani privrednik – obrtnik novčanom kaznom od 200,00 KM do 1.000,00 KM“.

Dosadašnji stav (3) postaje stav (4).

U dosadašnjem stavu 3. člana 15. koji postaje stav 4., u alineji 2. u trećem redu riječ: „Ministarstvo“ zamjenjuje se riječju: „inspekcija“ u odgovarajućem padežu.

### **Član 9.**

Član 16. briše se.

**Član 10.**

Ovaj Zakon stupa na snagu osmog dana od dana objavljivanja u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**S K U P Š T I N A**

**PREDSJEDNIK**  
**Skupštine Tuzlanskog kantona**  
**Amir Fazlić**

Broj:

Tuzla, \_\_\_\_\_